

憨山老人夢遊集

憨山老人夢遊集卷十九

侍者福善日錄

門人通炯編輯

嶺南弟子劉起相重較

贊

然燈古佛贊

有引

然燈古佛釋迦之師也。往昔有緣無心而遇。因布髮掩泥。持青蓮華而佗供養。得蒙授記。遂證菩提。今睹光像。欽渴翹仰。焚香佗禮。以偈贊曰。

稽首然燈吾師之師。妙用無極。故我皈依。白日麗天。萬鳥斯鑿。滿月寒空。衆壘齊現。明所不明。焰其不焰。惟此智燈。光明朗耀。秉恣王令。佩實相印。磐石晏安。

十方鎮靜其心如空靡所不容有扣之者響若洪鐘  
其容澹宋恬然凝謐瞻之仰之諸障頓息緣會而遇  
無心而得紺髮滿頭青蓮一葉布髮掩泥志誠皈命  
持華佗供費乎清淨無上菩提當蒙授記罔爲玄珠  
不容息議心心相印炎炎互融慧命無量功惠無窮

貝葉佛母贊

有引

粵東爲法道原流遶磨航海而來六祖應識而出  
盞喇刺臂而裹海眼跋陀忘形而挾楞伽皆曾出  
仙城初開法邇自爾以來寥寥千載豈出彼沒此  
古人獨負而今人絕分耶固在尊之者何如耳故

曰不是無禪只是無師斯言有味哉余蒙一恩竄  
嶺海觀管海門周公以視齷至公當代搢紳中具  
正法眼人也與余以法相親每談必以第一義示  
人爲吏仲胄十之三日同查汝定過朱氏艸堂劉  
萬諸子畢集大爲發揚此事諸子各發無上道心  
季子乃曰向不知佛今也知心既心卽是佛吾當  
以佛爲吏仲子請越之高士蔣不任寫此像余歡  
喜稽首爲贊曰

佛體如空無處不容牆壁瓦礫達之者通秋水激激  
朝霞燦燦景落波心光浮縈練識之不見見之不識

賢目空華太虛鳥跡貝葉無文法身非有萬壑窅聲  
作獅子啗碧眼鬚腮維摩病骨漏逗形骸分明看日  
噴百花淡處鷓鴣嘯一聲叫破春山緣

鹵方三聖贊

稽首宋先主無量壽大師能以宋滅心現形十方界  
徧入有情身而作生歿宰辟如日月光無心而成照  
蒙先照燭者無不遂其生又如慈乳母能達嬰兒心  
飢飽各適時不以乳爲病我觀世間人病痛必呼母  
以母爲自心不呼不自解是故三有中凡在有情者  
苦樂不自釋適然念我師以師慈力先入衆生心

故能一照間必出生歿苦况復有大勢而復得大悲  
相比而化物物無不化者刀山并劍樹忽變作寶林  
鑊湯及爐炭偶成八惠水皆以自心爲轉變一念中  
如醉入乳酪醍醐不外求何况荆棘林不爲清淨土  
是故念我師必若于憶母子母相憶時無不相見者  
念蠢諸想滅身心頓脫空宋兗忽現前照用一時發  
卽此苦穢軀僂成極樂國始知日月中無不極樂者

化佛贊

面

似人非人日面月面從何處來者裏出現見肯不識  
識肯不見病眼空華太虛閃電逢人箇箇歎奇哉看

行一味行方便

靈山苦行佛贊

肝膽冰霜形骸土木生來俊俏天然奇骨不是不捨  
皇宮祇因不愛喫肉走入萬疊寒品受盡淒涼寂寞  
一朝餓得眼睛花錯把明珠換魚目渾身惹得是非  
淡凜至而今抱冤屈幾度逢人話本懷纔欲開言雙  
淚撲雙淚撲不知那箇是知音但得相逢心願足

又

不戀王宮不住兜率脫却珍御衣埋身千丈雪瘦骨  
如柴剛腸似鐵六季凍餓口鷄開幾度思量心未瞥

一朝驀地睹明星從前妄想都休歇便欲挨身入鬧  
藍滿目風塵徒蹙蹙返惹時人話短長誰知弄巧翻  
成拙直至而今怨未申通身是口難分說休分說費  
周折肝腸瀝盡空饒舌無限春光百鳥啼杜鵑叫徹  
空山血

又

詩

身墮雪濶心寒穉水內外洞然又何彼此思之不及  
類之難比夢想不到誰能議擬若欲求之是非鋒起  
但莫思量自然灑爾

又



骨如柴心似雪念如冰面似鐵不是剛腸疾惡人爭  
肯拋家輕失業幸賴明星喚出頭免教笑折倚人舌

又

世念已枯諸緣盡撇千尺寒崑萬年冰雪一片身心  
放下時從前妄想都休歇都休歇但看幾點疎星一  
輪明月

又

骨瘦心寒冰枯雪老不是者翻畢竟不好六年凍餓  
實難當可幸明星上得早當初錯愛者些些使得兒  
孫臥荒艸

又

拋擲金輪王如弃捨殘涕埋身雪山中絕無一毫事  
端坐苦思惟不知竟爲誰只待明星上當頭下一推  
何似當初未醒時皎皎月挂珊瑚枝

舍那如來法身贊

有引

余寓旅泊菴中爲諸白衣談楞嚴適門人王安舜  
持舍那如來画像一幅高二尺許偏身衣紋并頂  
上圓光通書華嚴經一部字如鍼鋒芥孔而點畫  
分明行如遊絲飄如幪髮其身當胸闊一尺二寸  
則計字二百二十行有奇其圓光邊約二寸圍割

字幾百行其微密細緻又過於身真有不可得而思議者焉以色古而不可讀侍者諦視於左臂辯出一一塵中一切佛則知其經爲雜藝無疑矣余見之歡喜踊躍而歎曰此非蒙如來甚微細智而加被者決不能至此然豈麤浮想相而可得耶因焚香稽首以偈贊曰

我聳諸佛微細智以此證得妙法身偏在衆生心想中而能造作難思業今見衆生微細智偏入如來法身內於一微細毛孔中莊嚴難思法性海一毛一塵本性如具含無盡功德藏猶如清淨琉璃餅內盛微

細多芥子炳然顯現無障礙無對無雜各安立假離  
婁眼極最明窮盡目力不能辨始觀法身本無相今  
見佛以法爲身法身本不離衆生故從微細想中現  
是衆生心與如來無二無別互相入如是微妙淨功  
德久墮沈昏諸暗冥譬如微塵舍大經苟非智眼不  
能見善哉佛子智力雄一見卽生眞實信剖破微塵  
出此經令我頓入華藏海佛心旣卽衆生心我入卽  
同衆生入我身與佛及衆生互相攝入如珠網如此  
圓滿大法界全憑佛子信力持以此信力佗佛事屢  
轉攝化廣無邊見聞隨喜禮念間彈指卽能成正覺

是故我贊佛子德廣大如空不可量我願法界諸衆生普入佛子信心住

思惟佛贊

稽首吾師何爲獨步三七思惟如何可度不用思惟但行平等儻遇知音自然猛省

思議佛贊

默然思惟所思爲誰思之地人說知之十方一念衆生一心但有知者卽是知音明月在天影現衆水不出不入無彼無此如雲浮空無心而徧於一毫端十方齊現一切圓成萬緣具足但不思惟卽如如佛

無量壽佛贊

有引

余嘗誦十六觀經以佛觀爲第一故修淨業者靡不從事至若工繪家各有所本而於佛像尤難之益以垢濁心鏡現妙相影豈易致哉越人蔣生太清英年而獨精此技豈個觀行所致耶余入粵之二年戊戌春蔣生亦至所繪佛菩薩不滿十幅獨遶蓮阜居士陳元譽三聖像精妙絕倫蓋居士長齋繡佛有年亦精神感通而致耶嗚呼蔣生尋與物化睹此遂成千古矣居士焚香稽首請贊余邈焉興懷贊曰

稽首無量光徹照十方際。溘然不思議。永破癡暗冥。  
我觀寂滅境。清淨絕纖塵。大地及山河。竟從何處起。  
刀山及劔林。是誰之所造。良以自心迷。堅固妄想結。  
辟如水成冰。業風鼓扇力。受想夢中屬。此燒炙苦。  
我師冷眼看。自心不耐細。觀此比丘身。急過塗毒鼓。  
令諸耳之者。一觸生死絕。猶如妙蓮華。扶疎出秋水。  
又以大悲勢。左提而右挈。擲使恐鬼塗。翻成盃樂土。  
妄想歇滅處。正覺卽現前。猶如湯消冰。但由轉變力。  
奇哉善男子。倘習般若深。能以一毫端。現此希有事。  
儼若大願時。翹勤共悲仰。皎如淨滿月。遊於畢竟空。

心水垢濁激光影一時現熱惱卽清涼諸想頓寂滅  
真常妙樂地本不假外求卽此幻化身便登安養國  
具此難思力是故我歸依願此盡未來永作大依怙

又

稽首無量壽端居常寂光普照法界空攝受有情者  
衆生迷本有逐諸生滅轉輪迴六趣中如亾子背母  
慈母憶其子未嘗一念捨子若暫迴光無有不見者  
以我出苦願入佛攝受心猶如空合空似以水投水  
衆生無明暗卽是常寂光妄想一念歇常光當下現  
生滅無去來法性本不動見此法性身無量壽常樂



接引佛贊

稽首慈尊大光明聚淨法界身不可思議諸苦衆生  
入大悲眼眼淨無塵圓明赴感入衆生心如月墮水  
心水激清故無彼此不接而來無生而至是故我師  
常住在世

又

冷地不禁人塵垂手分明示人人不知有但肯一念  
暫迴光蓮華頓現非良久

又

稽首寂光主清淨妙法身如月現壘中湛然印衆水

以愍衆生故不受法性樂示現微塵剎屈垂方便手  
俯提弱翬者同歸壺樂土以衆生卽心土亦非心外  
惟以心印心如以水入水是故見聞者一念卽歸依  
但卽自心觀本無心外佛色相如空華猶是譬眼見  
惟以清淨空寂然了無相以此見自心卽見如如者

又

踞常寂光坐清淨土垂手入塵爲衆生故以本法身  
現衆生心故十方界悉知其名憑悲願力普皆攝受  
故稱念者必得成就九品蓮臺爲衆生母不偕他緣  
作賓中主

又

稽首無量光徧滿法界身。普接諸衆生同歸寂滅海。  
土本無淨穢淨穢從心變。心垢若消除淨境應念現。  
佛在衆生心以垢蔽不現。垢除佛現前不用他接引。  
自佛自度生元無彼此相。若能平等觀卽是寂光土。

臥佛贊

無事打眠快活欲死。十方界中誰能如此。

阿彌陀佛贊

心似寒空面如滿月。坐寶蓮華出廣長舌水流風動。  
燄然常說六道四生無機不攝。但有稱名卽得解脫。

只爲當初願力深十方盡是無生國

又

稽首大師光明無量具足二嚴號尊中上以慈攝心  
心包沙界衆生卽心本來無外是故稱名卽求自己  
願見我師如是而已

長齋繡佛圖贊

神存理觀妙契法身想澄淨土卽俗而真不住於相  
解脫諸塵應如是住降伏其心是則名爲無事道人

釋迦佛贊

稽首本師面如滿月清淨法身湛然常寂是身若空

其心若水空水連天月光如洗月不離天水不離地  
以空合空上下無際雲起長空風行水上彌滿波瀾  
廣長舌相不信但聽海潮音翻出龍宮祕密藏

又

唯我世尊妙功德聚如空中華隨緣應世法音若雷  
聽者心碎不是王宮割捨來誰作利益人天事

又

從兜率來不是無因爲一大事特現此身纔出母胎  
大驚小怪忝向雪山翻成納敗幸有明壘一聲喚醒  
若不回頭幾墮陷穽復到人間漏逗不少本大利微

空懷懊惱未遂掀翻和盤托出得遇知音方纔雪屈  
舌上蓮華目前生事肝膽相投虛空粉碎是故智者  
深知苦心故拌身命常轉此經

又

法身之亮如日之影照破世間令人夢醒明暗一空  
聖凡一覺不透頂顛是爲法縛

刺繡釋迦佛贊

稽首大能仁救護衆生者現身濁惡世如蓮華出水  
妙相三十二功德恩莊嚴是故見者悅如觀慈父母  
良與衆生心平等無差別故從巧思惟儼隨指端現

衆生妄想絲織成惡道形。佛在妄想中化出微妙相。  
手引妄想絲。鍼刺光綾。縈鍼鍼見法身。念念成正覺。  
於此和合緣。頓見不思議。是知法界空。佛種從緣起。  
我願諸衆生。從妄想鍼。縫念念見法身。無不成佛者。

毘盧佛贊

於一毫端現微妙相。如空中華。似鏡中像。欲隱彌彰。  
纔收便放。是知我師。光明無量。

觀佛贊

稽首淨法身。無量光明聚。最勝蓮華王。故號聖中聖。  
湛然寂滅海。應現微妙相。端居忉樂國。攝化諸衆生。

以一心普印一切衆生心是故衆生心卽是如如佛  
心佛與衆生三本無差別見心卽見佛念佛卽念心  
一睹殊勝容便悟真實性故從一毫端現此希有事  
禮念暫皈依頓獲常住果

經行如來贊

惟我大師胡爲現身爲衆生故作主中賓廣長舌相  
如風行空雷音長夜喚醒羣蒙來無所從去無所至  
要見我師如是如是

又有二弟子隨之

如來宴坐何爲經行愔然念起爲度衆生尊者隨之



捕風捉影衆生度盡熱夢未醒

梅檀毘盧佛贊

有引

曲阿長者孫雲翼字圖南宦遊南海適遇梅檀香  
一枝徑可尺餘長八尺許世爲希有喜而購之意  
效優鬪故事持歸施置邑之廣福道場比丘通漆  
荷擔遂成毘盧妙相建閣以奉復請大藏經一部  
共成莊嚴余時休老南岳溱持書乞贊余雖未面  
長者喜其功德難思乃略述其事以贊之曰  
海岸梅檀其價無外一銖之微值大千界何處遂來  
至震且國但有聞熏無不欣悅爰有長者無心而遇

欲效優闔作妙相具傾心易之願卽成佛擇地而施  
遂獲廣福時有比丘具大信力發荷擔心衆妙嚴飭  
三十二相手出一人如從兜率示現威神圓滿毘盧  
大功德聚無量光明徧一切處如剖微塵以善方便  
一時涌出大千經卷佛本無相隨心而成法本無住  
應緣卽形以長者心棄比丘願世間三寔於是出現  
法界蒙熏觸者離垢凡有歸依頓空諸有法身常住  
國土豐樂鱗甲羽毛俱蒙解脫艸芥微塵同歸華藏  
故我如來現尊中上

發盛光如來贊

稽首鬻盛光明王普照十方塵刹中所有日月四天  
下一切衆生皆蒙益有情無情共一禮同入如來光  
網中身心毛孔及微塵一切洞然無不徹衆生夢想  
顛倒心盡是如來光明藏是故七曜及四餘二十八  
宿各分布共作衆生有相身生死去來皆寂滅衆生  
之苦卽佛心佛卽衆生煩惱海以斯二者無分別是  
故苦樂隨念轉善哉佛子契佛心能持如來祕密印  
念念常放大光明能破無始煩惱暗一切妙用悉現  
前流入如來大願海普使見聞及稱揚盡塌涅槃常  
樂地

睡起彌勒贊

終日沿街走兩脚不休歇困來樹下眠肚裏黑如墨  
被誰喚醒來夢語尚未徹通身疲倦骨頭酸左右欠  
伸消不得者等却僧嬾斷筋如何喚他作彌勒

行脚彌勒贊

橫擔拄杖挑箇布袋一包破碎絡索當作奇貨買賣  
逢人就乞一文錢不知都是來生債指着龍華樹下  
莊折合將來還欠在

坦腹彌勒贊

爲甚開口大笑不歇坦腹赤肚想是怕熱

布袋和尚贊

諦觀胸中不有看來手中不無生成如此褌襪翻却  
笑人糊涂肩頭橫擔拄杖脚跟自在無拘若不被小  
兒搬弄則可稱雄猛丈夫

辟支佛贊

磐陀之上長窠之下端悟無生水流花謝

三大士贊

惟三大士隨類現身在天而天在人而人如月處空  
影落衆水水有清濁月無彼此智度爲母故多其子  
慈能與樂如如意旨大願無盡真經非字大士之心

如虛空是

文殊大士贊

金色界裏月，五臺山上雪。雲端獅子兒，空中霹靂舌。  
誰識飲牛翁，元是甘露滅。宴坐金剛窟，似踞猛虎穴。  
瓊瓊一盞茶，聊清煩惱熱。借問窟中多少人，肯透三  
三非浪說。

又

涂去

居寂滅地，建大法幢。擊涂毒鼓，聞者心降。七佛之師，  
衆生之父。如獅子王，大方闊步。

普賢大士贊

蓮華半卷經峨嵋一輪月世界燦如銀頭顱白似雪  
萬壑听松風盡是廣長舌法界任掀翻空花從起滅  
佛刹入毫端十方置眷睫香鳥奔騰跨步行蹴踢盲  
驢與跛鼈

又

稽首普賢法界爲身塵毛國土坐臥經行於法性空  
大雲彌布以普徧故了無去住故微妙相會無隱顯  
若有見者須是普眼乘大象王其體純白以本無染  
是真淨潔一切聖凡不離毛孔通身徧身如海潮涌  
大士觀我我觀大士以空合空本來無二故我敬禮

大法界空願一切時處處相逢

又

稱法界身萬行之宗毛孔剝土何所不容象王遊行  
十方無礙稽首如空廣大自在

普賢洗象圖贊

法界爲身何所不達棄此象王番成鞅掌象體純白  
本來無染無故洗之更增塵點水不洗水白不染白  
二者求之了無分別何勞奴兒枉費其功有不到處  
轉見不通以我觀之現成最好人象兩忘聖凡齊掃  
又



象體潔白何處染塵眼中著屑其污通身以水洗之  
返增其污不洗自淨莫知其故水不增潔潔不用水  
兩不相到本來若此大士三昧圓融法界何於此塵  
而生障礙存之非染去之非淨此幻法門是名無諍

普賢棄象贊

大行闊步十方踏徧毛孔微塵何處不現獨行獨坐  
何等輕快要假他力便成狼狽脚下蓮華鼻孔繚繞  
不是者些被他累倒身命相依往來已熟雖是累他  
却閒我足

普賢大士加持象贊

惟我大士法界爲身。有持經者卽現其形。不是神通亦非好逞。要使衆生當下猛省。

大悲觀音像贊

我聞大士本無住。但在衆生心想中。衆生旣卽大士心。如何顛倒苦不見。若言大士心顛倒。如何能化顛倒人。衆生若是不顛倒。何勞大士強說法。嗟哉人無智慧。炎猶如白日。酣酒臥種種。夢想恐泉途。怕怖惶惶。不能脫。驅馳逃遯不可得。又如渴鹿奔陽燄。愈奔愈渴。心力疲。猶不自知。在夢想。惺眼觀者。悲愍生極。力叱之苦。不覺不覺。苦生瞋。又復夢見追逐者。

泉前怖後盡力呼一呼忽然攘臂起從此一覺視夢  
中始信自心生顛倒如是大士能救苦大都亦似惺  
眠人縱能恒順諸衆生疑者反更生驚怖當人若肯  
暫迴允猶勝大士千手眼善哉佛子何顛倒若不自  
求向他覓若從覓處見自心我亦名爲觀自在

又

至人無名名之在人耳中見色眼裏聞聲六用唯一  
一亦不立徧界徧空無處不入皓月在天光印百川  
如艸頭露顆顆皆圓於一毫端現微妙身坐微塵裏  
轉大法輪火聚刀山鐵林銅柱絕叫一聲忽成淨土

不擇淨穢何分男女若欲求之在我而已

又

我聞大士化身萬億億眼見耳聞不知誰是有苦便叫  
叫卽不受不見去來不知誰救我今思惟大士無我  
六根門頭觸者如火火不燒火塵不染塵無彼此故  
名觀世音

又

惟大士身在衆生心叅而不雜離而不分故我有求  
隨聲而應匪大士來實我自證我不知苦何以能求  
卽知苦處是爲返流我流旣返大士卽我以我求我

於何不可

又

我觀大士身本離一切相以本離相故故能現衆身  
譬如摩尼珠隨緣明衆色是故佛菩薩及六道衆生  
乃至異類形一切無不入如何男女身而作分別見  
若見大士身平等無二相了知法性空光明如滿月  
能令煩惱暗一切當下除故我依大士頓出生死苦

水月觀音贊

身若浮雲心如水月不動而應無言而說呼之有聲  
覓之不得凡有苦求皆得解脫

又

水月之姿空花之表谷響之聲摩尼之寶到處相逢  
卽現形往來六道無昏曉一片身心只爲人若箇阿  
師何處討

又

鏡像水月太虛閃電觸而動之瞥然影現

又

一塵不染十方露布通身手眼不須回互

又

心本無事爲誰苦思有來問者自亦不知

又

大士無心如響應聲凡有求者隨叫隨應

又

以無相身應有求心無處不現名觀世音

又

水流在海月不離天不思而應爲自在禪

又

無相之相相不在我隨應而現如薪遇火三十二應  
猶是瑣瑣百千萬億有何不可

又

大士身心衆生卽是所以願求隨感而至

又

至人無形真悲無聲感應道交沙白水清

又

以慧爲命以物爲心尋聲救苦名觀世音

又

身心洞徹猶如琉璃表裏俱淨如月臨池不感而應  
不求而至是故我師名不思議

又

無聲而說有求而應如畚谷響似臨<sup>寶</sup>窰鏡是則稱名



觀世音所修三昧名真淨。

又

以寂滅心現微妙相。滿月寒空。光明無量。我亦如是。如澄濁水。水清月現。不須議擬。月不離水。水不離月。以無去來。兩皆寂滅。我心既寂。大士卽我。故我所求。應念而果。

又

如鏡中像。如水中月。視之似有。取之不得。以海潮音出廣長舌。此我大士說法之剎。

又

法身如雲充滿十方從空中生如水月光以身無外  
故心無礙所以應物得大自在三十二應人謂是實  
在我大士如海一滴衆生煩惱如火之狂甘露見洒  
應念清涼

又

我觀大士如水中月楊柳一枝稱甘露滅十方世界  
普霑濡能解衆生三毒熱

又

無慮而應不思而徧春到花開水清月現手提足奔  
眼聞耳見遠而愈親淡而不厭丈夫若下苦心腸相

逢卽遂平生願。

又

大士之身本來無相。隨心應現。不狀之狀。電影空花。鏡像水月。作如是觀。忽然超越。

又

畢竟空中。懸清涼月影。沉衆水。不容分別。故大士身與物無二。隨所見聞。無處不是。

又

大士本無身。身隨衆生現。如月映衆水。不分垢淨。故昏明在清濁。非月有揀擇。是故現大士。應以淨心觀。

觀者心既淨衆苦悉皆空若知救苦心應卽是觀者

又

大士無思其思以慈爲衆生故兀兀如癡癡與衆生  
膠漆附離兩者相合俱不可知故能救苦影響同時  
是故大士悲深願重衆生界空其癡無用

又

我觀大士如月在空凡有水處皆現其中不擇淨穢  
元無彼此以水性空故無塵滓衆生心水亦復如是  
故有求者應念卽至以有衆水知月普照以有衆生  
見大士妙

觀音大士化比丘像贊

有爲而然無方而應何故捨他現此真淨以佛非法  
非法誰傳若無傳者聾瞽皆眠是故比丘卽法卽佛  
以心如空似響出谷以空無形盲者能視其響無聲  
聾者得意視聽不住聲色兩忘以三昧力醒彼癡狂  
塵中作主火裏生蓮稱名禮敬應念現前我師方名  
得自在禪

蓮葉觀音贊

苦海無涯誰爲彼岸一葉紅蓮隨流汎汎以此舟航  
無處不徧萬類有求隨感應念是故稱名普門示現

又

苦海無涯欲流不竭至人所憑青蓮一葉彼岸非遙  
涂程不涉身若空雲心如水月能如是觀何法可說  
慈聖聖母刻瑞蓮觀音贊

聳彼曇華千年一現有聖人出以爲瑞驗惟皇聖  
母闕產此華以此徵德又何以加

蓮華觀音贊

至人應物如優曇華見之者稀故以爲誇青蓮出水  
根從淤泥見之者衆不以爲奇是故我說法身周徧  
十方皆稱普門示現如此周而人何不識只在目焉

建大法幟苟非真淨無以致此故大士身聊復爾爾

又

三界無安猶如火宅至人處之如清涼國五欲淤泥  
猶如糞壤蓮華挺生枝葉自長摩尼寶珠體淨圓潔  
墮溷邊中光明不缺佛性在纏染而不汚泥中之蓮  
廁中之珠日用行藏昭昭不昧火裏蓮花故稱爲瑞

禪定觀音贊

以思惟心入衆生想打水成痕敲空作響叅而不雜  
離而不兩雪裏鷺鴛珠中象罔以如是觀名尊中上

又

以如幻觀無伦妙力從聞思修入三摩地

又

大士無心何有寂亂衆生無情了無干絆應緣而度  
元非有心諸苦無住如空谷音是故大士其悲最廣  
如空合空似響答響本無去來亦無起滅大士神通  
故不可說

白衣觀音贊

白衣心空已無他有使一切人念不下口

又

本來無染今亦無垢能如是觀十方通透



又

無形之形隨感而現只在一毫光明普徧

又

折竹之枝當吉祥艸坐斷十方海枯山倒

又

海竭蓮枯塵消覺證全憑揚枝洒掃清淨

又

我觀大士心欲潔衆生染故自白其衣遮護衆生短  
如水但洗塵水不自洗水大士與衆生其實無彼此  
若見自己心便識大士面擘破一微塵大士光明現

又

大士中赤而外白與衆生心全不隔聲叫聲應卽現前猶如濁水涵明月衆生心垢不易除大士以身爲洗潔日用如觀大士容色相求之卽不得只在聲前一句明耳見眼聞不可說

又

大士潔白以本不染故入衆生其心不淺如水清珠投之濁水珠不畱影水清見底明月在空水清卽現不邀而至不應而徧故衆生苦爲大士身凡有所求卽大士心身心無外彼此不二應念現前各不思議

又

湛湛寒空澄澄秋水大士法身實同於此月不離空  
空不離水似有兩般實無彼此心本無染衣非愛白  
以不白者瞻之卽潔大士無心衆生有想相從想生  
如月在掌是故有求隨念卽應元無去來自心現證

又

惟我衆生苦卽是大士悲由苦與悲合故我願無違  
假使百千億隨求一時應何況智慧男於我而獨悒  
如水銀墮地顆顆思皆圓我所求一叟叟亦復然  
我觀大士身如空谷覓響大士觀我心其如視諸掌

負籃觀音贊

走

籃兒在手脚不住走十字街頭要人知有

又

手中一物常放不下赤心片片爲人不假是故我說  
真慈悲者

又

手提負兒街上賣眼裏尋人只圖快中心不愛半文  
錢多因要了慈悲債

紫竹觀音贊

紫竹林七寶地普陀岳金剛際十方坐斷鎮常閒有

求之者隨聲至不是吾師觀世音誰能箇箇皆如意

又

紫竹無林大士非身今所見者皆出自心

南海觀音大士贊

碧海蒼崖黃花翠竹魚鼈蛟龍夜叉鬼窟隨類現形  
沿流出沒如空在地無處不足此是觀音自在身不  
枉稱爲過去佛

又

踞磐陀石觀寂滅心卽彼羣動出微妙音法離諸相  
真經無文惟我大士現身如雲有求必應無類不往

以大悲心全同妄想

巖龕大士贊

蒼巖片石苔封雲護大士法身於中顯露觸目分明  
略無回互而人別求此何以故

又

片石孤峰清池白月自在法身元無起滅形不自形  
本來如幻譬目空花晴虛閃電非關大士有心要爲  
實由幻者妄想思算欲見大士真本來面但莫思量  
全體自現

巖樹觀音大士贊

瞻彼蒼崖巍巍不動實我大士法身孤迥盼彼崖樹  
枝葉扶疎維我大士慈蔭開敷晏坐其中無說無求  
示三十二妙應普周羣蒙驚起不出大定拔盡諸苦  
悉令清淨我觀大士了無諸相於幻化身號尊中上  
出廣長舌山高水深日夜常說名觀世音

觀音大士應變相贊

大士之身如摩尼寶五色互現隨緣卽了在天而天  
在人而人旣稱隨求何不現形若有求男便應男子  
福德智慧莊嚴無比只在求者一心顯現是故名爲  
不思議變

自在觀音贊

稽首大悲主圓滿自在身鏡像水月中而作難思事  
微細法界塵一塵一切刹刹刹如塵衆無處不現形  
衆生一念間一時平等應如圓通所說猶是分量數  
唯我心自知大士全不覺

又

月影鐘聲妙音色相耳視心聞功德無量

御刻觀音大士贊

惟我大士法身普應從耳根門圓通妙證十方擊鼓  
十方齊聞於法界空現形如雲天上天下無類不入



是故求者隨心自足惟我聖慈宿秉悲願如大士心  
廣行方便以此妙相普施羣生今有所願如響應聲  
普陀觀音大士贊

我聞大士不思而徧應微塵國廣行方便衆生卽心  
心卽衆生故有求者聲叫聲應水長船高泥多沸大  
苦劇悲深應接不暇踞補陀崑住生歿海虛空縱銷  
此心不改

又

踞補陀崑觀寂滅海普震潮音名觀自在出廣長舌  
十方周徧故有求者應念卽現衆生具足何勞往救

水澄月現不前不後

天衣觀音大士贊

稽首大悲主圓滿具足尊晏坐法界空皎若星中月  
普應衆生心如月臨衆水衆生日用中不知大士力  
欲現微妙身故借画工手画工與大士同入不思議  
影現一毫端如春在百花於最微妙中全體一齊現  
莊嚴極妙麗瓔珞百霽光天衣覆其身如薄霧籠月  
宛在白毫中覩此希有相故我一瞻依頓入寂滅海  
是知求者心清淨如止水感此微妙身隨念悉成就  
以此願所生同證金剛體常住照世間解脫一切縛

艸衣觀音大士贊

大士無相胡爲示俗艸衣蒲團隨意具足鬚髮抓搔  
不是不癩故意畱之刺俗人眼大士非俗俗在觀者  
如空中花譬之過也能除我見大士卽我旣隨類應  
有何不可又如痛處痛者自知若知大士真俗皆非

海潮觀音大士贊

森羅普印性海湛然境風一擊波浪滔天圓滿法身  
端然常住於波浪中光明彌露是故衆生識浪作惡  
法身潛爲見聞知覺是故智者於見聞中一念返觀  
業海頓空大士救苦匪從外來自心顯現不假安排

既唯自心何用外尋但聞聞性名觀世音

海月觀音贊

海中一月大士坐於滿月之中

唯我大士圓通妙應入生歿海如月普印清淨光中  
法身湛然煩惱波浪一任滔天煩惱愈盛法身益顯  
故於衆生隨順不遠如水涵月月不離水光光相照  
元無彼此我觀大士不離此心故求之者如響應聲  
常光不昧歿生不隔寂滅現前自然超越

空海大士贊

生歿若海世界如空一片身心放捨此中空水混融  
波瀾不惡此唯我師是真解脫

現天大將軍身贊

諸佛所證圓通門實從衆生六根入六根一際有淺深獨有耳根最圓滿大士故從耳門入根塵兩忘觀亦捨生滅滅已寂滅現一念與佛衆生等法身平等無不融十法界身一齊現但隨所願卽得見猶如空谷奮衆響是知天大將軍身求者有心卽應手一身卽具一切身如海水具百川味智者能離色相觀一切根塵俱寂滅

降伏六魔大士贊

我觀大士不思議常在生死苦海中身心普入諸有

情降伏魔冤利舍識諸魔不止八萬餘都以六根爲  
橐籥六門寂滅妙用全卽是大士威神力魔與大士  
本不二猶如虛空與日光若空與光有差別大士卽  
爲魔所攝是故禮擗及稱名不思議力應念現蒼崖  
翠竹等法身如如不動真解脫

降十二魔大士贊

佛未出世魔界空佛一出世魔卽有佛魔本自無差  
別但從衆生顛倒見根塵對待魔壘封心境兩忘魔  
隊滅是故觀音妙智力降魔但只淨根塵六門洞達  
法界空佛魔一時俱不現我今頂禮不思議願以無

畏施衆生令我頓入圓通門常使諸魔爲法侶魔能  
隨念建法幢始感大士威神力

### 圓通大士贊

惟大士身無處不在故大士心圓通無礙十方衆生  
元非分外事裏膠青水中土由旣無彼此難分疆界  
所以應求如此便快

### 刺繡大士贊

有引

嘉禾夏母范氏年五十二持齋三十五年日夜誦  
金剛經偶患瘕疾苦劇婦馮氏性至孝願以身代  
乃刺繡觀音大士三年無懈成二十餘幅母疾果

愈步履勝常婦竟病且死母思婦言笑如生其子  
錫書乞爲之贊贊曰

以無緣慈其身普徧入衆生心如鍼引線媳代姑病  
刺大士身隨手而應若影與形姑病旣愈其媳亦死  
足見體同元無彼此媳託大士死亦不滅絲絲縷縷  
出廣長舌

又

法身本無形形隨衆生有衆生妄想興法身卽出現  
故此有心人不憶念別事專注妙法身皎潔如炁素  
乃以觀念針牽引妄想絲念念透法身絲絲成妙相



精誠入微細毫髮無滲漏儼於一真地幻出無相身  
圓滿清淨心成就圓通根是故我瞻依頓入不思議

毒 繡渡海大士贊

三毒海中波瀾正惡頂顛上行全不溼脚入衆生心  
無處不徧從妄想絲法身出現念念不空心心要透  
普門示現自然成就

千手大悲菩薩贊

有引

古婁居士正法以偈習緣一心頂禮千手大悲菩  
薩心持神呪精勤有年冀仗威神一生取辦因思  
諸佛菩薩救護衆生元無定法如溺大海隨得何

物依憑必登彼岸。又如雪山衆艸無不是藥。是知衆生有能願出生死者。不論叅禪念佛持呪誦經。苟能的信自心堅強不退。未有不出生死者。況恃大士同體大悲加持之力。及神呪力。豈不一生取辦乎。居士來叅匡山請益。老人無法可說。乃爲作此贊貽之。若了明暗不二之旨。則聖凡路絕。生歿情枯。則日用頭頭通身毛孔。皆大士手眼光明。赫奕時也。居士應如是觀。一心具足不假外也。贊曰。衆生煩惱八萬四千。以黑暗故。六道周旋。在大士身。變成手眼毛孔光明。隨黑暗轉。是故衆生有苦必呼。

隨呼而應其暗頓無衆生大士元非兩般明來暗去  
應念現前諸有智者但求諸已凡聖二途本無彼此  
如燈破暗兩不相到以無二故乃見其妙能如是觀  
大士卽已禮捧持名如水入水但從衆苦極處一提  
光明照耀日夜無虧

四臂觀音大士贊

通身手眼何只有四於無盡中聊爾如是寶杵空魔  
真經無字總是神通不思議事

禮空中如來大士贊

空中如來從何出現恰與大士當頭覲面自蚤成佛

何必禮他將他顯已畢竟如何示現不一禮念不二  
普現色身真不思議

火炆三昧大士贊

般若光明如火聚大士此中入清涼地衆生煩惱  
乃般若炆是故大士妙應無方

寶掌菩薩贊

問師是誰自稱寶掌伸手摩空忽然作響空響何聞  
手摩何觸倘遇毒龍一時難縮

準提菩薩贊

我聞諸佛出生處本從微妙祕密印密印卽是諸佛

心。入衆生妄想。夢夢想。若破諸佛現。猶如寒空見日。光若破衆生煩惱雲。現仗如來密呪力。持呪卽持諸佛心。我心元是祕密呪。三緣會合。本不二。是故一念悉具足。但能日用常現前。如子得母。不捨離佛心。旣入持呪心。不用求佛自解脫。

日光菩薩贊

有引

曲阿邑東之觀音山廣福寺者。有宋神僧號日光菩薩所建也。菩薩初示逆行。比丘不檢戒律。時人眇之。且責以建立道場。乃處處現身。一時募化。尋其跡者。猶然未出山門也。四方感而異之。遂成窳

坊臨終自露其名至今號爲日光菩薩寺廢住持  
通溱新之立相安奉請余贊曰

惟日在天光明朗耀山川幽谷無處不照垢不能濁  
晴不能昏如水中影似鏡中痕心在衆生至神至靈  
與佛無二况比丘僧蓮出淤泥香潔不染摩尼處穢  
光明不減是故至人超乎垢淨不處形骸豈拘凡聖  
破甦威儀示同遊戲肉眼著相不知誰是不出戶庭  
身徧十方本無去來如日之光卽生盲人賴以成事  
色相莊嚴猶是唾涕其跡如空其應如風隨處示現  
不約而同一日千古一心萬劫是故大士其神不竭

維摩大士遊戲園林贊

不見淨土故不愛住不見穢土故不厭居僧俗相狀  
是實是虛男女雜處是有是無口大如空舌大如口  
不會說法以默遮醜身不是病以病病身苟非借用  
可笑殺人文殊未至安排等待及至到來一場敗黷  
千古被瞞見者圖度不是世尊大鷄摸索三十二人  
都被掉弄幸有文殊閒撕打鬩我不識渠渠不識我  
且待彌勒下生勘破方纔散夥

陳如尊者贊

象王遊行象子隨至聲氣相求緣會而聚以冤最重

爲道至親如車合轍是必有因

三十三祖道影贊

初祖摩訶迦葉尊者

金色之形金剛爲心奉持慧命常轉法輪世尊拈華  
破顏一笑至今令人思議不到

二祖阿難尊者

多聞如海歛縮法流諸佛出沒不離舌頭鼓簧法化  
節拍成令是故我師爲偏中正

三祖商那和修尊者

般若靈根夙生已證故師將出瑞艸先應以心印心



如火投火狹路相逢定沒處躲

四祖優波毘多尊者

一人心空魔宮震動握金剛鋒誰敢輕弄若肯回光  
狂心頓歇禮拜歸依諸罪消滅

五祖那提多迦尊者

已悟本心如日焰夜示生處夢光明超越師法本無  
我心不有如空合空舌不出口

六祖彌迦尊者

都因此來不爲別事鬧市相逢自示其器縣見未然  
蚤知今日當行買賣不論價值

七祖婆須蜜尊者

從夔路來忽逢親友一言論義頓知本有乞甘露味  
示虛空法若謂有得落七落八

八祖佛陀難提尊者

不是不言言之不及不是不行本無踪跡今遇其人  
乃可開口從此便行不墮窠臼

九祖伏馱蜜多尊者

住母胎中經六十年只待師來方遂前緣頂上光明  
元是本有一刮便透如獅子喙

十祖脇尊者

指地變金隨手而現，聖人卽至，何等悽便，似呼空谷，應聲答響，是知我心本無來往。

十一祖富那夜奢尊者

佛不識佛眼不見眼，更向他覓，故遭檢點，將謂淨全蚤被解破，猛省將來，方知話墮。

十二祖馬鳴大士

馬之悲鳴，固自有因，地涌女子，元非其人，魔本非魔，佛亦非佛，正眼看來，竟是何物。

十三祖迦毘摩羅尊者

從異中來，得正知見，路逢毒蛇，慈悲心現，更問毒龍。

都要調服眼見心知如響出谷

十四祖龍樹尊者

龍中化龍以毒攻毒尊者妙手一言調伏佛性三昧體若虛空百千法門盡入其中

十五祖迦那提婆尊者

以鍼投盜妙契空言示佛性義滿月現前至長者家將鍼引綫假他因緣爲已方便

十六祖羅睺多尊者

尋流得原水窮山盡忽見其人知其爲聖香飯擎來分坐供食大衆同飲甘露如蜜

十七祖僧伽難提尊者

不樂王宮天開一路直抵窮源不知其故紫雲之下  
聖者所依果得童子會諸佛機

十八祖伽耶舍多尊者

七日而生不墮諸陰其體香潔本來清淨扣門一語  
若無者誰猛然喚醒當下知歸

十九祖鳩摩羅多尊者

既生天上不應起愛一念未忘便不自在以般若力  
復升梵世故來傳燈是其家事

二十祖闍夜多尊者

無生本具不用求真遇緣而發如花逢春求之太急  
去道轉遠當下知歸就路而返

二十一祖婆修盤頭尊者

明暗同體聖凡一路來處幽微莫知其故熟處難忘  
更求伴侶忽爾相逢肯心自許

二十二祖摩拏羅尊者

從受記來不爲別事同類相從緣會必遇嗟彼鶴衆  
蜚鳴旣久一言之言頓知本有

二十三祖鶴勒那尊者

從須彌頂持金環來嗟彼鶴衆其情可哀得獅子兒

作大哮吼有氣貫天試驗其後

二十四祖師子比丘

相見索珠開手便有以先所仅別來不久知有夙欠特來奉酬將頭臨刃白乳橫流

二十五祖婆舍斯多尊者

秉般若劍握如意珠雖云暫到此行不虛偶遇惡人恰得好伴因邪打正兩得其便

二十六祖不如蜜多尊者

從剎利種續傳燈燄真嗣不明幾乎失陷從鬧市中忽逢故人函盃相合乃得其真

二十七祖般若多羅尊者

莫謂無因相逢便見來處自然不假方便今因其珠乃得其人開池得月負石饒雲

二十八祖菩提達磨大師

師心甚急其來太早一語不投此心不了冷坐少林幸得神光一臂墮落其道永昌

二十九祖慧可大師

航海特來多少苦心大唐國裏祇得一人覓不可得如水任器以此傳家是爲第二

三十祖僧燦大師



通身是病不知來處忽逢醫王猛省其故心空骨剛  
且便行脚遇有力者一擔付託

三十一祖道信大師

少年出家利根捷疾六十餘年脇不至席學侶雲臻  
何待小兒以有夙約觀者不知

三十二祖弘忍大師

來歷不明出身恰好一件未完兩家都了破頭山中  
黃蹊路上往來自由具大人相

三十三祖慧能大師

樵斧纔拋以石墜腰靈根久植從此抽條源出曹溪

橫流大地直至如今無處不是